

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA MAGLAJ  
SLUŽBA ZA PRIVREDU, FINANSIJE/FINANCIJE  
I RAZVOJ PODUZETNIŠTVA**

**Broj: 04-24-1- /17  
Datum: . .2017.god.**

**PRIJEDLOG**

**PROGRAM POTICAJA U  
POLJOPRIVREDNOJ PROIZVODNJI  
OPĆINE MAGLAJ ZA 2017. GODINU**

Služba za privredu, finansije/financije  
i razvoj poduzetništva

## PROGRAM POTICAJA U POLJOPRIVREDNOJ PROIZVODNJI OPĆINE MAGLAJ ZA 2017.GODINU

### UVOD

U skladu sa Zakonom o poljoprivredi („Sl. novine FBiH“ broj: 88/07) u kome je navedeno da jedinice lokalne samouprave mogu osigurati novčane podrške za razvoj poljoprivrede, te na temelju članka 8. Zakona o principima lokalne samouprave, („Sl. novine FBiH“ broj: 49/06), u Budžetu/Proračunu Općine Maglaj za 2017. godinu predviđeno je 142.000,00 KM za poticanje poljoprivredne proizvodnje, što predstavlja kontinuirano izdvajanje sredstava iz budžeta/proračuna za poljoprivredu na području općine Maglaj.

Poticajna sredstva će se prvenstveno usmjeriti na poticaj poljoprivrednih gospodarstava/gazdinstava koja u svom radu postižu značajne rezultate u cilju stvaranja, jačanja i proširenja obiteljskih gospodarstava i obrta, te na poljoprivredne Zadruge i Udruženja čiji članovi doprinose cjelokupnom razvoju poljoprivrede i razvoju ruralnog dijela općine Maglaj.

S obzirom da je usvojena Strategija razvoja općine Maglaj 2012-2020, te je u fazi izrada Strategija razvoja poljoprivrede općine Maglaj 2017-2021. godina, sredstva koja su iz ovog dijela budžeta/proračuna opredjeljena za poljoprivredu uglavnom će se usmjeravati ka razvoju strateških ciljeva poljoprivredne proizvodnje i ruralnog razvoja, odnosno subvencioniranje poljoprivrednika koji doprinose opstanku i proširenju postojeće poljoprivredne proizvodnje, modernizaciji poljoprivredne proizvodnje, a samim tim i povećanju prihoda u vlastitom domaćinstvu.

Osim budžetskih/proračunskih sredstava Općine Maglaj, ostala donatorska sredstva i druga sredstva koja su namijenjena za razvoj poljoprivrede bit će usmjerena u različite sektore poljoprivredne proizvodnje koji su u skladu sa Strategijom razvoja općine Maglaj 2012-2020, kako bi se nadomjestila i nadogradila potpora za one proizvodnje koje se u 2017. godini nisu mogle podržati iz budžetskih/proračunskih sredstava ili su ta sredstva bila nedostatna za održivost proizvodnje.

Sa podizanjem poljoprivredne proizvodnje na viši nivo reflektiraju se višestruke koristi za lokalnu zajednicu:

- Jača se lokalno poljoprivredno domaćinstvo;
- Smanjuje se broj nezaposlenih sa evidencije Zavoda za zapošljavanje;
- Smanjuje se pritisak na Budžet/Proračun u dijelu novčane podrške socijalno ugroženih kategorija stanovnika;
- Povećava se količina obrađenih poljoprivrednih površina;
- Osigurava se opskrba stanovništva i lokalnih trgovina, firmi domaćim lokalnim i jeftinijim proizvodima;
- Stvara se ambijent za razvoj privatnog poduzetništva u okviru poljoprivrednih gazdinstava.

## OPĆI UVJETI

Poljoprivrednici koji nisu upisani u Registar poljoprivrednih gospodarstava/gazdinstava (RPG) i Registar Klijenata (RK) nemaju pravo na ostvarivanje poticajnih sredstava namijenjenih podršci u poljoprivredi i ruralnom razvoju.

Opredjeljena sredstva poticaja će se rasporediti u omjeru 60% za animalnu (stočarsku) proizvodnju i 40 % za biljnu proizvodnju, sa mogućim odstupanjima 5 % od jedne ili druge navedene proizvodnje. Poticaj se može ostvariti samo po jednom osnovu ovog Programa.

S obzirom na opredjeljena sredstva, mjere poticaja u poljoprivredi iz Budžeta/Proračuna Općine Maglaj u 2016. godini bit će usmjerena prema sljedećim sektorima poljoprivrede:

1. Poticanje intezivne stočarske proizvodnje (proizvodnja sirovog kravljeg mlijeka, pčelarstvo)
2. Poticanje biljne proizvodnje (plastenička proizvodnja, proizvodnja krastavca kornišona, proizvodnja jagodičastog i bobičastog voća, proizvodnja kukuruza - za tov junadi, tov svinja i tov brojlera)
3. Ostale vrste poticaja za unapređenje poljoprivredne proizvodnje i ruralnog razvoja (projekti za zadruge i udruženja, i sufinanciranje ostalih projekata u poljoprivredi)

---

UKUPNO : 142.000,00 KM

Ukoliko se sredstva iz jednog sektora poljoprivredne proizvodnje ne utroše mogu se prebacivati u drugi sektor u skladu sa opravdanošću zahtjeva drugog sektora i to nakon isteka rokova predviđenih za podnošenje zahtjeva za određenu poljoprivrednu proizvodnju.

U slučaju da opravdani zahtjevi po kategorijama poticaja znatno premaše proračunom/budžetom predviđena sredstva, visina poticaja će se smanjiti po jedinici mjere one kategorije koja je znatno premašila predviđena sredstva.

### KORISNICI POTICAJA

Korisnici poticaja su:

1. Poljoprivrednici sa područja općine Maglaj koji na svom i/ili zakupljenom zemljištu na području općine Maglaj ostvaruju vlastitu poljoprivrednu proizvodnju i na taj način potiču razvoj ruralnih područja razvijanjem obiteljskih gospodarstava/gazdinstava. Pravo na poticaje ostvaruju poljoprivrednici, fizičke osobe, registrirani poljoprivredni obrti, poljoprivredna gazdinstva, te poljoprivredne zadruge i udruženja u ime svojih članova.

2. Poljoprivredni proizvođači koji ispunjavaju uvjete navedene u ovom Programu, Službi za privredu, financije/finansije i razvoj poduzetništva dužni su dostaviti zahtjev za općinski poticaj kompletiran sa dokumentacijom propisanom u ovom Programu.

3. Poljoprivredne Zadruge i Udruženja sa svojim programima navedenim u kriterijima ovog Programa, a kojim će obuhvatiti svoje članove.

Općinska služba će u roku od 30 od dana podnošenja zahtjeva izvršiti provjeru korisnika na terenu.

Nakon provjere i obilaska prijavljenih korisnika komisija će sačiniti prijedlog korisnika o ostvarivanju prava na novčanu podršku u zavisnosti od vrste i obima koji je propisan, te spisak dostaviti Općinskom načelniku koji donosi odluku o isplati poticaja.

## **I. POSEBNI KRITERIJI PO VRSTAMA PROIZVODNJE SA VISINOM POTICAJA I POTREBNOM DOKUMENTACIJOM**

### **1. ANIMALNA PROIZVODNJA**

#### **1.1. PROIZVODNJA SIROVOG KRAVLJEG MLIJEKA (Po kvartalima)**

Proizvodnja sirovog kravljeg mlijeka je jedna od glavnih grana stočarske proizvodnje na području općine Maglaj. Imajući u vidu činjenicu da uz sebe veže čitav niz različitih sektora poljoprivredne proizvodnje, predstavlja jedan od glavnih prioriteta izdvajanja poticaja u 2017. godini.

Poticat će se poljoprivrednici koji na svojim farmama imaju muzne krave obilježene ušnom markicom i koje su pod stalnom veterinarskom kontrolom. Za ostvarivanje poticaja potrebno je da se od strane registriranog otkupljivača odnosno prerađivača kravljeg mlijeka dostavi ovjeren spisak poljoprivrednih proizvođača sa područja općine Maglaj, sa navedenim isporučenim količinama kravljeg mlijeka po kvartalima.

Iznos poticaja isplaćivat će se do 0,10 KM po jednom litru predanog mlijeka registriranom otkupljivaču odnosno prerađivaču, s tim da se iznos po jedinici mjere može i smanjiti kako bi se zadovoljila forma od 60 % od ukupno predviđenih sredstava za poticaj.

Poticaji za navedenu proizvodnju će se isplaćivati kvartalno, sa tim da se u tekućoj godini isplaćuje posljednji kvartal iz prethodne godine i prva tri kvartala iz tekuće godine, a sve zbog obračunavanja zadnjeg kvartala proizvedenog mlijeka u tekućoj godini koji završava sa datumom 31. decembrom/prosincom.

**Visina poticaja može biti i manja po jedinici mjere, zavisno od ukupne količine predanog mlijeka.**

#### **1.2. PČELARSTVO (PROIZVODNJA MEDA) (Javni poziv)**

Pravo na poticaj imaju poljoprivredni proizvođači pčelari, koji su članovi registriranog udruženja pčelara sa područja općine Maglaj, i koji imaju najmanje 10 pčelinjih zajednica/košnica na svom ili zakupljenom imanju. Visina poticaja će iznositi 7 KM/košnici, a Javni poziv za navedenu proizvodnju će biti objavljen u 2017. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja
- Potvrda o upisu u Registar poljoprivrednih gospodarstava/gazdinstava (RPG) i Registar klijenata (RK)
- Lista stoke i lista korištenja zemljišta iz RPG-a i RK-a
- Dokaz o vlasništvu nad parcelom ili ugovor o zakupu/korištenju zemljišta na kome su postavljene košnice za ispašu, ukoliko se isti dokaz ne nalazi već u dosijeu RPG-a i RK-a

- Potvrda od strane Udruženja pčelara da je član istoga, sa navedenim brojem košnica
- Zapisnik nadležne općinske službe o utvrđenom činjeničnom stanju na terenu

**Visina poticaja može biti i manja po jedinici mjere, zavisno od broja zaprimljenih i odobrenih zahtjeva.**

## 2. BILJNA PROIZVODNJA

### 2.1. PLASTENIČKA I STAKLENIČKA PROIZVODNJA (Javni poziv)

Pravo na poticaje imaju poljoprivrednici koji zasnuju bilo koji vid intezivne biljne proizvodnje (rasadničarstvo, povrtlarstvo, cvjećarstvo i dr.) u plastenicima i staklenicima na vlastitom zemljištu i/ili zemljištu zakupljenom od strane drugih lica, na području Općine Maglaj. Poticati će se proizvodnja zasnovana u plastenicima i staklenicima na minimalnoj površini od 200m<sup>2</sup>. Podrška za navedenu proizvodnju iznosi 0,50 KM/1m<sup>2</sup> plastenika, a Javni poziv za navedenu proizvodnju će biti objavljen u 2017. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja
- Potvrda o upisu u Registar poljoprivrednih gospodarstava/gazdinstava (RPG) i Registar klijenata (RK)
- Lista korištenja iz RPG-a i RK
- Dokaz o vlasništvu nad parcelom ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a
- Zapisnik nadležne općinske službe o utvrđenom činjeničnom stanju na terenu

**Visina poticaja može biti i manja po jedinici mjere, zavisno od broja zaprimljenih i odobrenih zahtjeva.**

### 2.2. PROIZVODNJA JAGODIČASTOG VOĆA (Po javnom pozivu) (malina, kupina, borovnica, jagoda, aronija i dr.)

Pravo na podršku u ovoj proizvodnji imaju poljoprivredni proizvođači koji su zasnovali nasade jagodičastog voća na površini minimalno od 0,1 ha (1 dunuma) i više. Zasnovana poljoprivredna proizvodnja može biti na vlastitom zemljištu i/ili zemljištu zakupljenom ili dobivenom na korištenje bez naknade od drugih osoba. Visina poticaja za navedenu proizvodnju iznosi 0,07 KM / 1 kilogramu otkupljene količine od strane registriranog otkupljivača, a Javni poziv za navedenu proizvodnju će biti objavljen u 2017. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja
- Potvrda o upisu u Registar poljoprivrednih gospodarstava/gazdinstava (RPG) i Registar klijenata (RK)
- Lista korištenja zemljišta iz RPG-a i RK-a
- Dokaz o vlasništvu nad parcelom i/ili ugovor o zakupu/korištenju zemljišta na kome je

zasnovana proizvodnja ukoliko se isti dokaz ne nalazi već u dosijeu RPG-a i RK-a  
- Zapisnik nadležne općinske službe o utvrđenom činjeničnom stanju na terenu

Za ostvarivanje poticaja potrebno je da se od strane registriranog otkupljiivača odnosno prerađivača dostavi ovjeren spisak poljoprivrednih proizvođača sa područja općine Maglaj, sa navedenim isporučenim količinama jagodičastog voća.

**Visina poticaja može biti i manja po jedinici mjere, zavisno od broja zaprimljenih i odobrenih zahtjeva.**

### 2.3. UZGOJ KRASTAVCA KORNIŠONA (Javni poziv)

Pravo na podršku u ovoj proizvodnji imaju poljoprivredni proizvođači koji su zasnovali proizvodnju krastavca kornišona od 0,05 ha (0,5 dunuma) i više. Zasnovana poljoprivredna proizvodnja može biti na vlastitom zemljištu i/ili zemljištu zakupljenom ili dobivenom na korištenje bez naknade od drugih osoba. Visina poticaja za navedenu proizvodnju će se odrediti ovisno od ukupne zasnovane površine pod krastavcom kornišonom. Javni poziv za navedenu proizvodnju će biti objavljen ukoliko se punjenje budžeta/proračuna bude odvijalo po planu za fiskalnu 2017. godinu.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja
- Potvrda o upisu u Registar poljoprivrednih gospodarstava/gazdinstava (RPG) i Registar klijenata (RK)
- Lista korištenja zemljišta iz RPG-a i RK-a
- Dokaz o vlasništvu nad parcelom i/ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a
- Zapisnik nadležne općinske službe o utvrđenom činjeničnom stanju na terenu

**Visina poticaja može biti i manja po jedinici mjere, zavisno od broja zaprimljenih i odobrenih zahtjeva.**

### 2.4. PROIZVODNJA KUKURUZA (SILAŽNI I MERKANTILNI) ZA TOV JUNADI, UZGOJ SVINJA I TOV BROJLERA (Po javnom pozivu)

Pravo na poticaje imaju korisnici koji zasnuju proizvodnju kukuruza (merkantilni ili silažni) na vlastitom zemljištu i/ili zemljištu zakupljenom od strane drugih lica na području Općine Maglaj, na minimalnoj površini od 1 ha (10 dunuma). Podrška za navedenu proizvodnju iznosi 10 KM/dunumu, a Javni poziv za navedenu proizvodnju će biti objavljen u 2017. godini.

Za ovu vrstu poticaja se mogu prijaviti poljoprivredni proizvođači koje se bave tovom junadi, svinja i brojlera, a koji istu dokazuju listom stoke iz Registra poljoprivrednih gazdinstava/gospodarstava i Registra klijenata.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja
- Potvrda o upisu u Registar poljoprivrednih gospodarstava/gazdinstava (RPG) i Registar klijenata (RK)

- Lista stoke i lista korištenja zemljišta iz RPG-a i RK-a
- Dokaz o vlasništvu nad parcelom ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a
- Zapisnik nadležne općinske službe o utvrđenom činjeničnom stanju na terenu

**Visina poticaja može biti i manja po jedinici mjere, zavisno od broja zaprimljenih i odobrenih zahtjeva.**

### 3. SUFINANCIRANJE PROJEKATA-PROGRAMA IZ OBLASTI POLJOPRIVREDE, EDUKATIVNA PUTOVANJA I ORGANIZIRANI POSJETI SAJMOVIMA

-Podrška se odobrava zemljoradničkim zadrugama i udruženjima poljoprivrednika, s područja Općine Maglaj na osnovu vrijednosti apliciranih projekata-programa. Projekti-programi moraju biti isključivo vezani za poljoprivrednu proizvodnju i ruralni razvoj. Jednoj zadrugi ili udruženju može biti odobreno sufinanciranje samo jednog projekta-programa u visini do 1.100,00 KM u 2017. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja
- Poslovni plan ili projekt-program (sa financijskom strukturom) i predračunom opreme,
- Dokaz o vlasništvu nad parcelom ili ugovor o zakupu/korištenju zemljišta na kome je zasnovana proizvodnja, ako se radi o poljoprivrednoj proizvodnji
- Izveštaje o radu Udruženja/Zadruga za 2016.godinu
- Završni račun za 2016. godinu
- Plan rada u 2017.godini
- Zapisnik nadležne općinske službe o utvrđenom činjeničnom stanju
- Kopija tekućeg / žiro računa

Visina poticaja može biti i manja zavisno od broja zaprimljenih i odobrenih zahtjeva.

**U ovom segmentu Programa predviđena je i podrška ostalim projektima u poljoprivredi, kao što je Izrada Strategije razvoja poljoprivrede općine Maglaj 2017-2021. godine, i drugi projekti u poljoprivredi.**

## **II. PROVEDBA POSTUPKA SA NAČINOM ISPLATE**

Podnošenje zahtjeva se otpočinje po objavljenom Javnom pozivu, o čemu će poljoprivrednici biti informirani putem oglasne ploče i medija, izuzev poticaja za sirovo kravlje mlijeko koji se isplaćuju po dostavljenim ovjerenim spiskovima od strane otkupljivača mlijeka po kvartalima, te nakon što se urade provjere donesi se odluka o isplati poticaja.

Podnošenje zahtjeva traje do rokova naznačenih u Javnom pozivu za svaku vrstu poljoprivredne proizvodnje posebno. Podnošenje zahtjeva se obavlja putem prijemnog šaltera općine Maglaj, a zahtjevi se podnose Službi za privredu, financije/finansije i razvoj poduzetništva. Ispunjenost kriterija u svakom pojedinačnom slučaju i uviđajem na terenu, zapisnikom će utvrditi Komisija za poticaje imenovana od strane Općinskog Načelnika. Krajnji rok za utvrđivanje činjeničnog stanja za svaku pojedinu kategoriju je 30 dana nakon završetka rokova za predaju zahtjeva.

Komisija će nakon isteka predviđenog roka za podnošenje zahtjeva za pojedine sektore poljoprivredne proizvodnje po Javnom pozivu sačiniti prijedlog korisnika, utvrditi visinu

poticaja u skladu sa raspoloživim sredstvima za predmetne kategorije poljoprivredne proizvodnje i predviđenim iznosom po jedinici mjere, te isti dostaviti Općinskom načelniku koji donosi odluku o isplati poticaja.

U slučajevima gdje se zapisnikom utvrdi da podnositelj zahtjeva nije ispunio jedan ili više kriterija, taj zahtjev se ne odobrava, vrši se njegovo arhiviranje i usmeno se obavještava podnositelj zahtjeva o razlozima neodobravanja poticaja. Ponovno podnošenje zahtjeva u tekućoj godini za istu proizvodnju neće biti razmatrano od strane Komisije. Ukoliko se u realizaciji Programa utvrde podnositelji zahtjeva za poticaje koji pokušavaju prevariti Komisiju pružanjem netočnih podataka, te osobe će biti isključene iz programa poticaja naredne dvije godine.

***Napomena: Ukoliko zbog nedostatka sredstava u Budžetu/Proračunu Općine Maglaj, ili nekih drugih razloga, ne mogne doći do realizacije ovih mjera poticaja, Općina Maglaj će nastojati istu mjeru podržati iz sredstava donacija ili nekih drugih programa pomoći koji se budu realizirali na području općine Maglaj, a kako bi se strateški podržala i unaprijedila poljoprivredna proizvodnja.***

Broj: 04-24-1- /17  
Maglaj, . .2017. godina

Služba za privredu, finansije/financije  
i razvoj poduzetništva



## O b r a z l o ž e n j e

Općinsko vijeće Maglaj Zaključkom broj: 02-05-1-850/17 od 06.04.2017. godine na svojoj 5. redovnoj sjednici usvojilo je Nacrt Programa poticaja u poljoprivrednoj proizvodnji općine Maglaj za 2017. godini, te se istim ostavio rok od deset (10) dana da se mogu dostavljati pismeni prijedlozi i sugestije u Službu za privredu finansije/financije i razvoj poduzetništva, nakon čega se treba pozvati Komisija za poljoprivredu, zajedno sa predstavnicima Službe da pregledaju te sugestije i pisane primjedbe, te da se sačini Prijedlog Programa koji će se dostaviti na narednu sjednicu Općinskog vijeća.

U skladu sa navedenim predstavnicima Službe za privredu, finansije/financije i razvoj poduzetništva su zajedno sa Komisijom za poljoprivredu, vodoprivredu i šumarstvo pri OV Maglaj, su dana 25.04.2017. godine u 08:30h održali sjednicu, na kojoj se razmatrao Prijedlog Programa poticaja u poljoprivrednoj proizvodnji općine Maglaj za 2017. Godini, a ostale primjedbe i sugestije nisu pristizale u ostavljenom roku.

Primjedbe članova Komisije su se odnosile na sljedeće:

- Da se u uvodnom dijelu Programa u Općim uvjetima izbaciti stavka koja se odnosi na maksimalnu visinu poticaja po jednom gospodarstvu/gazdinstvu, jer je u svakom sektoru već navedeno da visina poticaja može biti i manja po jedinici mjere, ovisno od broja zaprimljenih i odobrenih zahtjeva.
- Da se pod točkom 2.3. koja se odnosi na Uzgoj krastavca kornišona izmjeni i da se umjesto minimalno 0,1ha (1 dunum) površine, stavi 0,05 ha (0,5 dunuma) površine, te da se u istom pasusu promjeni da će se visina poticaja obračunavati po jedinici površine, a ne po kilogramu otkupljnog krastavca.

U skladu sa navedenim prijedlozima, primjedbama i sugestijama Komisije za poljoprivredu, šumarstvo i vodoprivredu, Služba za privredu, finansije/financije i razvoj poduzetništva Općine Maglaj, je iste proanalizirala i zajednički sa Komisijom sve uvažila kod donošenja Prijedloga Programa poticaja u poljoprivrednoj proizvodnji općine Maglaj za 2017. Godini.

Obrađivač: Dragomir Dunder   
Kontrolor: Senada Alibajraktarević 

Služba za privredu, finansije/financije  
i razvoj poduzetništva